



O Xurado Provincial de Clasificación de Montes veciñais de Pontevedra, dictou a seguinte **RESOLUCIÓN**:

ASISTENTES

PRESIDENTE

D. José A. López Rodríguez
(Delegado Provincial da Consellería de Medio Ambiente)

VOCAIS

Dn. Alfonso Castro Carrera
(Avogado polo Colexio da provincia)
D. Manuel Francisco Gutierrez
(Xefe do Servizo de Montes e Industrias Forestais)

D. Luis M^a Muiños Vidueira
(Letrado da Asesoría Xurídica da Xunta)

VOCAIS REPRESENTANTES DO LUGAR DE CRISTIMIL, CONCELLO DE RODEIRO

Dna. María Cazorla Torrado

SECRETARIA

Dna. Pilar Pita Ponte
(Xefa de Sección do Servizo Técnico-Xurídico da Delegación de Medio Ambiente)

Na cidade de Pontevedra, sendo as dezasete horas do día vinteito de abril do 2004, coa asistencia das persoas ó marxe reseñadas, reúnese na 3^a planta do edificio sito no nº 47 da rúa Benito Corbal o Xurado Provincial de Clasificación de Montes Veciñais en Man Común ó obxecto de decidir sobre a clasificación do monte "Do Pico" do lugar de Cristimil, da parroquia de Az, do concello de Rodeiro.

ANTECEDENTES DE FEITO

PRIMEIRO.- Con data de entrada 26/02/02, D. Jorge Diéguez Vence, na súa condición de representante dos veciños do lugar de Cristimil, da parroquia de Az, do concello de Rodeiro, presenta solicitude de iniciación de expediente de clasificación do monte denominado "do Pico" como veciñal en man común para os veciños do lugar de Cristimil, acompañando diversa documentación, describindo o monte, croquis, superficie e lindeiros.

SEGUNDO.- Con data 03/04/02 solícitase ó Servizo de Montes e Industrias Forestais informe previo, informe que é evacuado en data 01/09/02, e no que se fai constar o seguinte:

- 1.- *Que o monte solicitado non se atopaba previamente clasificado*
- 2.- *Que segundo os límites da cartografía 1:5000 da COTOP, parte do monte solicitado atópase fora do concello de Rodeiro, extendéndose tanto polo concello de Agolada (Pontevedra), coma polo concello de Antas de Ulla (Lugo)*
- 3.- *Superficie aproximada dentro do concello de Rodeiro: 11 Has."*



TERCEIRO.- Na reunión celebrada polo Xurado Provincial de Montes Veciñais en Man Común o día 20 de febreiro do 2003 acordouse á vista do informe elaborado polo Servicio de Montes e I.F. incoar o expediente para a clasificación, da parte do monte que se atopa dentro dos límites do concello de Rodeiro, nomear instructor do mesmo a D. Luis M^a Muiños Vidueira e a remisión do mesmo ó Servicio de Montes e Industrias Forestais ó obxecto de elabora-lo informe preceptivo, de conformidade co prescrito no artigo 20 do Decreto 260/1992, do 4 de setembro.

CUARTO.- O Servicio de Montes e Industrias Forestais remite ó Xurado en data 4 de setembro do 2003 o citado informe co seguinte contido:

“Estado Forestal: Matorral heliófilo. Especie principal Ulex sp. y gramíneas.

Especies secundarias: Rubus sp., Erica sp., Callus vulgaris, etc.

Servidumbres. No existen

Ocupaciones: No existen

Enclavados: No existen.

Usos y aprovechamientos: Dentro del TECOR Societario de Rodeiro

Límites:

N: Término de Antas de Ulla (Lugo) E: Fincas particulares delimitadas por muro

S: Camino de tierra

O: Fincas particulares y término municipal de Agolada”

QUINTO.- En data 25 de setembro do 2003, solicítase ó Rexistro da Propiedade de Lalín certificado de cargas, contestando este rexistro en data 4 de novembro do 2003. o seguinte: *“que el monte denominado “Do Pico”, sito en la parroquia de Az, municipio de Rodeiro, no figura inscrito en este registro de la Propiedad, tal y como en la referida instancia se describe”*

SEXTO: Á vista da documentación aportada polo solicitante e á vista do informe do Servicio de Montes e Industrias Forestais, o monte obxecto do presente expediente de clasificación obedece á seguinte descripción:

CONCELLO: RODEIRO

LUGAR: CRISTIMIL

PARROQUIA: AZ

NOME DO MONTE: “Do Pico”

Cabida: 110.000 m²

Lindes:

Norte: Concello de Antas de Ulla (Lugo)

Sur: Camiño, propiedades particulares de Eladio Vilamia Sánchez, Roberto Vázquez Lorenzo, Manuel Sánchez Lamas e montes dos veciños dos lugares de Cristimil e San Cristobal

Leste: Monte dos veciños do lugar de Somoza

Oeste: Montes dos veciños do lugar de Aldea do Monte



SETIMO.- Feita-las comunicacións do artigo 23 do Decreto 260/1992, do 4 de setembro, e aberto período de audiencia non se presentaron alegacións.

FUNDAMENTOS DE DEREITO

Primeiro: O Xurado Provincial de Clasificación de Montes Veciñais en Man Común ten a competencia para coñecer os expedientes de clasificación dos montes que teñan tal carácter a tenor do establecido no artigo 9 da Lei 13/1989, do 10 de outubro, de montes veciñais en man común. Expedientes que se iniciarán, de conformidade co establecido no artigo 19 do Decreto 260/1992 polo que se aproba o Regulamento da lei 13/89 a instancia, entre outros, de calquera veciño ou grupo de veciños, circunstancia que concorre no solicitante.

Segundo.- De conformidade co artigo 1 da Lei 13/1989 do 10 de outubro, de montes veciñais en man común, e no artigo 1 do Decreto 240/1992 do 4 de setembro comprende por montes veciñais en man común "*... os terreos radicados na Comunidade Autónoma de Galicia que con independencia da súa orixe, as súas posibilidades productivas, o seu aproveitamento actual e a súa vocación agraria pertencen a agrupacións veciñais na súa calidade de grupos sociais e non como entidades administrativas, e os veñan aproveitando consuetudinariamente en réxime de comunidade, sen asignación de cuotas, os membros daquelas na súa condición de vecinos*".

Así, segundo abondosa xurisprudencia, o feito que xustifica a clasificación ou non como veciñal dun determinado monte, en vía administrativa, é a circunstancia de terse ou non demostrado o aproveitamento consuetudinario en man común, prescindindo das cuestións relativas á propiedade e demais dereitos reais.

Terceiro.- O uso en man común do monte "do Pico" tense acreditado coa documentación aportada polos solicitantes sen que no trámite de audiencia se formule oposición ningunha e polo informe do Servicio de Montes e Industrias Forestais do 4 de setembro do 2003.

En consecuencia, vista a Lei galega 13/1989, do 10 de outubro, de Montes Veciñais en Man Común e o seu Regulamento, aprobado por Decreto 260/1992, do 4 de setembro, e demais preceptos legais e regulamentarios de xenérica e específica aplicación, propónse polo Instructor e de maneira unánime o Xurado **ACORDA:**

CLASIFICAR como veciñal en man común o monte "do Pico", a favor dos veciños do lugar de Cristimil, da parroquia de Az, do concello de Rodeiro de acordo coa descrición reflectida no feito sexto e a planimetría elaborada ó efecto polo Servicio de Montes e Industrias Forestais que forma parte inseparable da presente Resolución.



Contra a presente Resolución que pon fin á vía administrativa, poderase interpoñer recurso de reposición con carácter potestativo perante o Xurado Provincial de Clasificación de Montes Veciñais en Man Común de Pontevedra no prazo dun mes, ou ben interpoñer directamente recurso contencioso-administrativo perante o Xulgado do Contencioso-Administrativo de Pontevedra no prazo de dous meses contados dende o día seguinte ó da presente notificación, de acordo co disposto no artigo 116 da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, modificada pola Lei 4/1999, do 13 de xaneiro, e nos artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa.



[Handwritten signature]
[Handwritten signature]
[Handwritten signature]
[Handwritten signature]

